



◀ BEBERAPA penduduk menunjukkan kesan runtuh tebing Sungai Kerayong berhampiran Taman Lembah Maju, Ampang, Selangor, baru-baru ini.



RUNTUHAN tebing akibat hujan lebat baru-baru ini terus menjadi ancaman kepada penduduk berhampiran.

Bimbang keselamatan terancam

Penduduk gesa baiki tebing runtuh

Oleh AMIRUL AIMAN ANUAR

kota@utusangroup.com.my

■ AMPANG JAYA 26 APRIL

MENAKUTKAN. Begitulah keadaan tebing Sungai Kerayong dekat Taman Lembah Maju di sini selepas struktur konkrit bersebelahan kuarters guru Sekolah Menengah Kebangsaan (SMK) Pandan Indah itu runtuh dan mendapat akibat arus deras baru-baru ini.

Presiden Pertubuhan 5K Komuniti Pandan Selangor, R. Sivaneswaran berkata, runtuh ekor hujan lebat berterusan pada petang Selasa lalu mengakibatkan tebing konkrit berhampiran kawasan premis termasuk

lebih lapan buah lot parkir berhampiran turut terjejas.

Katanya, penduduk merayu agar tindakan segera termasuk kerja-kerja pengukuhan tebing diambil Jabatan Pengairan dan Saliran negeri dan Majlis Perbandaran Ampang Jaya (MPAJ) untuk keselamatan penduduk.

“Sejak kejadian itu hidup penduduk sentiasa dalam ketakutan. Lebih-lebih lagi runtuh itu turut mengundang kehadiran binatang berbisa di kawasan perumahan,” katanya kepada pemberita, di sini.

Sementara itu tinjauan *Utusan Malaysia* di lokasi mendapati jarak runtuh dengan rumah penduduk hanya kurang daripada 100 meter dan boleh mengundang bahaya jika kerja-kerja selenggaraan

tidak dijalankan segera.

Berdasarkan pemerhatian runtuh melibatkan sepanjang kira-kira 20 meter.

Seorang penduduk, Kapten (B) Hamid Yusuf, 64, berkata, dia dan keluarga amat bimbang keselamatan terutama pada sebelah malam lebih-lebih lagi cuaca hujan ketika ini.

Katanya, kejadian itu paling buruk pernah disaksikan sepanjang menetap lebih 10 tahun di situ termasuk menenggelamkan hampir sebahagian kawasan parkir penduduk.

“Lebih memburukkan keadaan, kawasan tebing tersebut turut menjadi lokasi pembuangan sampah haram pihak tidak bertanggungjawab,” katanya.